

CRISTU RISORTU

A porti nchiusi u' Signuri trasiu
dopu chi nisciu da' fossa
e a menzu 'e discipuli si parau.

Tutti cunfusi e assai meravigghiati,
non ci paria veru, mischineddi,
a vidiri u' Maistru in carni e ossa.
Fantàsima pinsavunu chi fussi
e non capivunu chi stava succidennu.

Allura Gesù, no 'mi fa' scantari,
ci dissi : *"Paci a vuji, figghjiuzzi mei, a' sta ura,
no vi scantati, sugnu vostru Signuri"*.
Sintennu a so' vuci, passau a' paura
e 'nto cori si sinteru cunfurtati.

Non c'era l' Apostulu Tummasu.
E quannu ciù cuntaru, non ci cridjiu
chi avivunu vistu vivu u' Figghjiu 'i Diu.
"Putiti diri chiddu chi vuliti :

*si non ci mettu u' ditu 'nte so ghiai
non ci cridu né ora né mai“.*

Dopu ottu jionna apparvi cca jusu
di novu, Gesù beddu, vivu e maistus.

Rittu si dirigivu versu Tummasu :

*“ Metti i tò mani 'cca, diffidenti,
e non essiri dubbiusu ma cridenti“.*

A nginucchiuni, Masi si jittavu
e' pedi 'i Gesù, veru e risortu,
dicennu, *“ Signuri miu e Diu miu, sugnu stortu “*,
e era menzu vivu e menzu mortu.

“ Biatu “, dissi allura u' Signuri,
“ cu cridi senza bisognu 'i videri “.

Si avissimu na 'nticchia cchiù di fedì,
spustiriumu sicuri i muntagni,
campiriumu cuntenti su du' pedi,
e sariumu libirati d' 'i' lagni.